



**Broj:** 12/08-23-12689-8/23  
**Zenica,** 24.10.2023. godine

Na osnovu člana 69. stav (2) tačka d) i člana 70. Stav (1), (4) i (6) Zakona o javnim nabavkama ("Službeni glasnik BiH" broj:39/14 i 59/22), u otvorenom postupku javne nabavke za radove broj: 1417-1-3-16/23 od 16.08.2023. godine, direktor Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

## **ODLUKU**

o poništenju postupka javne nabavke

### **I**

**Poništava se otvoreni postupak javne nabavke za radove „ Rekonstrukcija dijela regionalne ceste R445 u sastavu vangradske dionice GGM-a u Zenici, od kraja kraka kružnog toka Bojin Vir do skretanja za industrijsku zonu Raspotočje (vangradska dionica GGM-a - Faza 01)”, broj: 1417-1-3-16-3-21/23 od 16.08.2023. godine i 1417-1-3-16-8-30/23 od 09.10.2023. godine, u skladu sa članom 69. stav (2) tačka d) Zakona o javnim nabavkama BiH, jer nijedna od primljenih ponuda nije prihvatljiva.**

### **II**

Ova Odluka će se u skladu sa članom 70. stav (6) Zakona o javnim nabavkama BiH objaviti na službenoj stranici ugovornog organa [www.zdk.ba](http://www.zdk.ba) i to istovremeno s upućivanjem odluke ponuđačima koji su učestvovali u postupku javne nabavke.

### **III**

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

## **Obrazloženje**

Postupak nabavke pokrenut je Odlukom broj: 12/08-23-12689/23 od 11.08.2023. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14 i 59/22).

Obavještenje o nabavci broj: 1417-1-3-16-3-21/23 objavljeno je na Portalu javnih nabavki 16.08.2023. godine a Ispravka za Obavještenje o nabavci broj: 1417-1-3-16-8-30/23 objavljeno je na Portalu javnih nabavki 09.10.2023. godine.

Komisija za javne nabavke imenovana rješenjem broj: 12/08-23-12689-1/23 od 14.08.2023. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristigle su 4 (četiri) ponude.

U periodu od 17.10.2023. godine do 20.10.2023. godine Komisija je izvršila provjeru računske ispravnosti dostavljenih ponuda, te su zatražili i dostavili saglasnost za ispravku računskih grešaka u ponudi Grupe ponuđača koju čine ŠPIC BETON d.o.o. Zenica i ADO TRANS d.o.o. Visoko.

Nakon toga izvršeno je poređenje cijena zaprimljenih ponuda u odnosu na procijenjenu vrijednost predmetne javne nabavke odnosno osigurana sredstva za javnu nabavku te je utvrđeno da su sve zaprimljene ponude i to ponuda ponuđača „ALMY TRANSPORT“ d.o.o. Zenica, ponuda Grupe ponuđača „ŠPIC BETON“ d.o.o. Zenica i „ADO TRANS“ d.o.o. Visoko, ponuda ponuđača „JATA GROUP“ d.o.o. Srebrenik i ponuda Grupe ponuđača ALMY“ d.o.o. Zenica i „BOSMAN“ d.o.o. Sarajevo, su u skladu sa članom 2. stav (1) tačka 1) alineja 2) neprihvatljive s obzirom da cijene ponuda prelaze planirana, odnosno osigurana novčana sredstva ugovornog organa.

U skladu sa članom 69. stav (2) tačka d), a u vezi sa članom 2. stav (1) tačka 1) alineja 2) Zakona o javnim nabavkama BiH, Komisija za javnu nabavku je jednoglasno predložila Ugovornom organu da donese Odluku o poništenju postupka javne nabavke, s obzirom da su sve zaprimljene ponude označene kao neprihvatljive jer su cijene svih primljenih ponuda veće od osiguranih sredstava za predmetnu nabavku (procijenjena vrijednost javne nabavke bez uključenog PDV-a iznosi 2.290.598,29 KM).

U postupku ocjene provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Zbog svega naprijed navedenog odlučeno je kao u dispozitivu.

Ova odluka će se objaviti na službenoj stranici ugovornog organa [www.zdk.ba](http://www.zdk.ba).

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem ugovornog organa, direktno ili preporučenom pošiljkom na adresu Kantonalne direkcije za ceste, u roku od 10 (deset) dana od prijema Odluke kako je propisano u članu 101. Zakona o javnim nabavkama BiH („Službeni glasnik BiH“ 39/14 i 59/22).

#### **Dostavljeno:**

4 x ponuđačima,  
1 x a/a

Obradio:

Elmedin Bašić

